



## Notat

Dato: 04.04.2017  
Arkivsak: 2015/10847-8  
Saksbehandlar: rolrose

---

**Til:** Fylkesutvalet

---

**Frå:** Fylkesrådmannen

---

### Stenging av Rv13 ved Deildo

På møte i fylkesutvalet 22.-23. mars 2017 stilte representanten **Kari S. Bernardini (A)** fylgjande spørsmål:

«I mars stenges Rv13 ved Deildo i 5 uker. Dette medfører problemer for både nærings- og persontrafikken i området, særlig i forbindelse med ferjestrekningen Kinsarvik-Utne. Hvilke tiltak vil bli iverksatt for å normalisere reisehverdagen for publikum på denne strekningen.»

**Fylkesrådmannen** kan opplysa fylgjande:

Rv. 13 forbi Deildo var heilt stengt i fem veker frå måndag 27. februar, noko som gav endringar for trafikken med buss og ferje. Det var sett inn båt for buss mellom Lofthus kai og Børve, og i tillegg var det sett inn ekstra avgangar på ferjesambandet Kinsarvik - Utne med ferja MF Jondal. På sambandet Kvanndal - Utne trafikkerte ferja MF Gloppen dei første 2 vekene. Deretter var ferja MF Utne attende og sambandet hadde normal kapasitet.

I forkant av stengingsperioden vart det gjort vurderingar i samråd med Statens vegvesen av kva konsekvensar vegstenginga ville få og kva som var naudsynte tiltak. Ut frå erfaringar frå tidlegare trafikktalet samt at det var utfordringar med å skaffe tilleggs kapasitet på grunn av allereie planlagde verkstadsopphald, vart det vurdert at MF Utne trafikkerte sambandet som normalt dei siste 3 vekene av stengingsperioden. MF Utne skulle ut frå tidlegare erfaringar ha tilstrekkeleg kapasitet, men at ein på ein skilde avgangar måtte rekne med attståande bilar.

Erfaring frå dei første dagane MF Gloppen trafikkerte sambandet viser at det var attståande laurdag 4. mars ved avslutning av vinterferie og dårlige vêrmeldingar samt attståande på ein avgang 9. mars. I tillegg var det 2 avgangar måndag 6. mars der alle bilane på MF Gloppen ikkje ville fått plass på MF Utne.

Båtruta mellom Lofthus og Børve gjekk 10 rundturar for dagen. Fyrste tur frå Lofthus kl 06.25 og siste tur kl 23.20. Dei fleste turane hadde korrespondanse med buss.